

INUIT ATAQATIGIIT INATSISARTUNI



UPA2022/122

30. marts 2022

Agathe Fontain

Inatsisartut aalajangiiffigisassaattut siunnersuut Naalakkersuisut peqquneqassasut akileraartarnermi aaqqissuusseqqinnissamut siunnersuuteqassasut, akileraartarnermut ingerlatsineq ajornannginnerusoq, Kalaallit Nunaanni akileraarut ataatsimoortumik apparluni aammalu aningaasarsianut akileraarutit appartinneri ilaliullugu. Siunnersuut UPA 2023-mut saqqummersussanngorlugu suliarineqassaaq.

(Inatsisartunut ilaasortaq Jens-Frederik Nielsen, Demokraatit)

Naalakkersuisooqatigiit isumaqatigiissutigaaq, aningaasaqarnikkut akileraartarnikkut aaqqissuusinerit ataqatigiissut kiisalu qitiusumi allaffissornerup nutarteriffigineqarnissaa.

Aaqqissuusinerillu partiit tamaasa isumaqatigiiniarfisimallugit, ilaatillugit pisassasut anguniarparput.

Tamanna takuneqarsinnaavoq, aningaasanut inatsimmut 2022-mut partiit atsioqataasut peqatigalugit aningaasaqarnikkut naligiinnginnermik akiuinnermut attuumasunik isumagiinninnikkut akileraartarnikkullu aaqqissuusseqqinnissamik pilersaaruteqassasut.

Piaartumik inuit akileraaruserneqartarnerisa aaqqissuusseqqinnissaat suliarineqassasoq isumaqatigiissutigineqarpoq. Malitseqartinneqassaarlu innuusutissarsiutinik ingerlatsisut akileraartarnikkut aaqqissuuussiffigineqarneranik.

INUIT ATAQATIGIIT INATSISARTUNI



Siunnersuuteqartoq Jens Frederik Nielsen, Demokraatit, siunnersuuteqarnikkut aaqissuuseqqinnissamik kissaateqarnerit ersippoq. Tamannalu nuannaarutigaarput, suliassaq aallartikkusukkit atuarparput. Ingerlatsineq ajornannginnerusoq angorusuppat, paasinarluinnarpoq, Naalakkersuisooqatigiit taannarpiaq aamma angorusuppaat. Ingerlatsineq pisariitsoq, innuttaasunut paasiuminartoq, suliffeqarfinnut, kommuninullu aamma piuminartuussasoq siunnertaassaaq.

Assersuutigalugu aalisartunut allaffissornikkut piumasaqartarpugut, qaammammut isertitatigut immersuissasut, immersugassaqaanngikkaluarpataluuniit. Immersigassaqaratillu immersuinngippaka akiligassaanik pillartarlugit, pillaanik suli allaffissornermik nassatalimmik.

Akilerartarnikkut aqqissuusineq tamanit peqataaffigineqartoq angusaqarfiulluortoq, pisinnaavoq oqaloqatigiinnikkut siunnerfigisamik erseqqissaaffiusumik.

Taamammat oqaloqatigiineq aallartinniarli piaartumik, quleqquttanik aalingersimasunik, soorlu siunnersuutikkut qilersoqaanngikkaluarluni.

Inuit Ataqatigiiniit siunnersuuteqartoq paasilluaraluarlugu, siunnersuummut qilersorsinnaaneq ernumagaarput. Suliarli piaartumik aallartinneqassasoq kaammattuutigerusunnerullugu.